

有急保漢受降城。○臣召南按此卽公孫敖所築者也

城在五原郡邊界

因北擊烏揭。○烏揭卽前文所謂呼揭

雕陶莫臯立爲復株橐若鞮單于。○臣召南按自雕陶

莫臯以下凡單于號俱冠以若鞮二字後書注曰匈奴謂孝爲若鞮自呼韓邪降漢見漢帝常諡爲孝慕之至其子復株橐單于以下皆稱若鞮自南單于比以下直稱鞮也

單于遣右臯林王伊邪莫演等奉獻朝正月。○莫演荀悅漢紀作黃渾通鑑作莫渾